

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 250347 24 St
Zenica, 07.04.2025. godine

Općinski sud u Zenici, stečajni sudija Amra Brkić, u stečajnom postupku nad imovinom stečajnog dužnika Društvo za programiranje i digitalni marketing Commerce Care d.o.o. Zenica, Sarajevska 63, Zenica, odlučujući o prijedlogu predlagatelja, nakon ročišta za ispitivanje uvjeta za otvaranje stečajnog postupka održanog dana 04.04.2025.godine, u pristustvu punomoćnika predlagatelja Kenana Bajramovića, advokata iz Zenice, privremenog stečajnog upravnika Muamera Pašalića, dana 07.04.2025. godine, donio je sljedeće:

RJEŠENJE

OTVARA SE STEČAJNI POSTUPAK nad pravnim licem Commerce Care d.o.o. Zenica, sa sjedištem Sarajevska 63, Zenica, matični broj subjekta upisa: 43-01-0979-17, dana 07.04.2025. godine u 12,00 sati.

Za stečajnog upravitelja, sa liste stečajnih upravitelja, se imenuje Senaudin Kulačić iz Zenice.

Pozivaju se povjeritelji da u roku od 30 dana prijave svoja potraživanja, koja imaju prema stečajnom dužniku podnošenjem prijave Općinskom sudu Zenica na broj: 43 0 St 250347 24 St, uz uplatu sudske takse u iznosu od 1% od vrijednosti potraživanja, ali ne manje od 50,00 KM niti više od 10.000,00 KM na račun budžeta ZE-DO kantona broj: 134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog žiro računa.

Pozivaju se povjeritelji da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan 28.05.2025 godine u 09:00 sati, u zgradi Općinskog suda Zenica, te se na isto pozivaju povjerioci stečajnog dužnika koji podnesu prijavu potraživanja, kao i stečajni upravnik.

Obrazloženje

Dana 04.09.2024. godine z.z. Commerce Care doo Zenica je putem punomoćnika Kenana Bajramovića advokata iz Zenice, podnio je prijedlog za otvaranje stečajnog postupka.

Rješenjem ovog suda od 07.01.2025. godine, pokrenut je prethodni postupak radi utvrđivanja uslova za otvaranje stečajnog postupka na imovinom stečajnog dužnika Društvo za programiranje i digitalni marketing Commerce Care d.o.o. Zenica, Sarajevska 63, Zenica.

Na ročištu za ispitivanje uvjeta za otvaranje stečajnog postupka, održanom dana 04.04.2025 godine, privremeni stečajni upravnik je ostao kod podnesenog Izvještaja od 10.02.2025. godine, Privremeni stečajni upravnik izjavio da uvidom u rješenje Općinskog sud broj 43 0 Rz -25-000156 od 30.01.2025. godine, potvrđujem da društvo nema evidentirano vlasništvo u zk knjizi, uvjerenje Službe za imovinsko pravne i geodetske poslove i katastar nekretnina Grada Zenice broj 04-26-10-777/25 -2 od 16.01.2025. godine, društvo nije upisano ni kao posjednik ni nosilac prava u nekom od katastarskih operata dok uvjerenjem MUP ZDK broj 08-01-02/5 -03 -7-426-1/25 KA od 17.01.2025. godine, potvrđujem da društvo nema registrovanih pokretnosti. Sve navedeno potvrđuje i bilans stanja i bilans uspjeha za 2024. godinu. Neke stavke je potrebno dodatno razjasniti i dao je mišljenje na osnovu njemu dostupne dokumentacije potraživanje od kupaca u zemlji u iznosu od 3271,00 KM se odnosi na poslovni odnos sa firmo PRO COMP doo Zenica, a koje potraživanje je zatvoreno o čemu sam dostavio dokumentaciju u prilogu izvještaja. Stavka kupci u inostranstvu se odnosi na potraživanje iz 2018. godine, i saradnju sa inostranim partnerom a koji dug nije naplaćen niti utužen, niti trenutno postoji mogućnosti da navedeni dug naplatimo jer je prema dostupnoj dokumentaciji navedeni dug zastario. Stavka novac i novčani ekvivalenti nije zatečena na licu mjesta koje je obišao, i stavka akontacija poreza je jedina imovina koja je adekvatna za unovčavanje i ista se odnosi na potraživanje od porezne uprave, u iznosu od 4.535,00 KM, te minimalno potraživanje od UIO od 6 KM, o čemu je uprava za indirektno poslala dopis na ovaj broj suda. Kada su povjerioci u pitanju iste sam pobrojao na strani broj 8, i ukupno dugovanje prema povjeriocima iznosi 83.746,00 KM. Sve navedeno se odnosi na podatke iz 2024. godine i postoji mogućnost da su isti uvećani jer je od sastava bilansa stanja do ročišta proteklo 6 mjeseci. Na osnovu svega gore navedenog predlažem da se 1. Na osnovu iskazanih finansijskih vrijednosti u bilansu stanja i uspjeha na dan 04.09.2024. godine društvo ima evidentiranu akontaciju poreza na dobit kao jedinu imovinu, 2. Obaveze u iskazane u bilansu stanja na dan 04.09.2024. godine iznose 83.746,00 KM i imaju tendenciju stalnog rasta, 3. Društvo ima otvoren po jedan račun u Unicredit i Intesa San Paolo banci. Računi su blokirani 09.07.2024 godine, 4. Društvo ne obavlja svoju registrovanu djelatnost, niti ima mogućnosti da se poslovanje može nastaviti, 5. Prijedlog za otvaranje stečajnog postupka je, na osnovu dokumentacije iz spisa i naknadno pribavljene dokumentacije, pokrenut u pisanoj formi od strane zakonskog zastupnika, 6. Kako imovina stečajnog dužnika postoji i dovoljna je za djelimično pokriće troškova stečajnog postupka, to su ispunjeni uslovi da stečajni sud otvori stečajni postupak koji će se provoditi u skladu sa Zakonom, 7. Prijedlog za otvaranje stečajnog postupka je podnešen u zakonskom roku. Mišljenja je da društvo ima imovine imovine koju je privremeni stečajni upravnik uredno obezbijediavao i o kojoj se starao. Društvo ostvaruje negativan finansijski rezultat, gubici u poslovanja se kumuliraju kao i obaveze, uz činjenicu da društvo ne može izmiriti nikakve obaveze, ostvarili su se zakonski razlozi za otvaranje stečajnog postupka. Razlog za otvaranje stečajnog postupka je platežna nesposobnost jer je pravilo da je društvo platežno nesposobno ako u neprekidnom trajanju od 60 dana ne izmiruje svoje dospjele obaveze. Prijedlog za pokretanje stečajnog postupka podnesen je 04.09.2024. godine od strane ovlaštenog predlagača tj. Zakonskog zastupnika podnešen je u zakonskom roku. U pogledu uvjeta iz člana 100 Zakona o stečaju (troškovi stečajnog postupka), mišljenja je da se troškovi stečajnog postupka djelimično mogu namiriti iz imovine koja bi spadala u stečajnu masu. Radi se o akontaciji poreza na dobit u iznosu od 4.535,00 KM. Postoje i evidentirana

potraživanja koja također mogu biti predmetom prinudne naplate ali se po ovom osnovu u ovom trenutku ne mogu izjasniti o osnovanosti, visini i validnosti navedenih potraživanja obzirom da su nastala u Njemačkoj, da bi bilo potrebno angažovati advokata u Njemačkoj i pokrenuti postupke u Njemačkoj. Navedeno bi iziskivalo u ovom trenutku nesagledive troškove koje ovo društvo nije u stanju podmiriti. Postoji mogućnost da su navedene stavke i zastarile, ali o tome nije mogao pronaći nikakvu dokumentaciju. Na osnovu iznesenog, mišljenja sam da se nad društvom može otvoriti stečajni postupak, da je on dopušten i da postoji stečajni razlog za otvaranje. Imovina stečajnog dužnika bi samo djelimično pokrila troškove stečajnog postupka.

Cijeneći sve naprijed navedeno sud je ovim rješenjem odredio dan i čas otvaranja postupka, imenovao stečajnog upravnika koji ispunjava uvjete iz odredbe člana 71. stav 2., člana 73, a u vezi sa odredbom čl. 76 Zakona o stečajnom postupku, te pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja, te je odredio i dan i čas za koji je zakazano ispitno i izveštajno ročište, sve u skladu sa odredbama Zakona o stečaju.

Pouka o pravnom lijeku:

Protiv ovog rješenja stečajni dužnik može uložiti žalbu Kantonalnom sudu u Zenici, u roku od 8 dana od dana prijema rješenja, a putem ovog suda.

*Stečajni sudija
Amra Brkić, s.r.*